

Republika e Shqipërisë
Enti Rregullator i Energjisë

LIÇENCË
PËR
VEPRIMTARINË E FURNIZIMIT TE ENERGJISE ELEKTRIKE

Numri i Liçensës:

Certifikata e Regjistrimit:

Seria:

Data e Hyrjes në Fuqi:

Liçenca i jepet:

Shoqeria:

Kodi Fiskal:

Bazuar në autoritetin që i është dhënë në seksionin e dyte të Pjesës së Peste të Ligjit Nr.43/2015 “Për Sektorin e Energjië Elektrike”, Enti Rregullator i Energjisë (“ERE”) i jep këtë Liçencë (“Liçenca”), për të kryer veprimtarinë e furnizimit të energjise elektrike (FEE), Personit të lartpërmendur, i quajtur “I Liçensuari”, subjekt i Kushteve të Liçencës të bashkangjitura dhe pjesë integrale të saj, si dhe kushteve të percaktuara në Vendimin e Bordit të ERE-s.

Kjo Liçencë hyn në fuqi në datën e shkruar më lart dhe do të vazhdojë të jetë në fuqi, deri në perfundim të afatit të dhënë në rast se nuk hiqet nga ERE në

përputhje me Kushtet e Liçencës të përfshira këtu , apo sipas parashikimeve të ligjit 43/2015 .

KRYETAR I ERE-s

Republika e Shqipërisë
Enti Rregullator i Energjisë

KUSHTET E LIÇENCËS
Për
VEPRIMTARINË E FURNIZIMIT TE ENERGJISE
ELEKTRIKE

Seria: _____

Numri i Liçensës: _____

I jepet:

(Emri i plotë i të Liçensuarit)

1. Dispozita të Përgjithshme

1.1 ERE është autoriteti i vetëm në Republikën e Shqipërisë, i njohur në Seksionin II të Ligjit Nr. 43/2015 “Për Sektorin e Energjisë Elektrike” për të leshuar dhe deklaruar hyrjen në fuqi të kësaj Liçence.

1.2 Nëse ndonjë kusht i kësaj Liçence behet nul ose i anulueshem apo pushon se qeni në fuqi, ky kusht do të hiqet nga Liçenca dhe Kushtet e mbetura të Liçencës do të vazhdojnë të jenë plotesisht në fuqi.

1.3 Asetet nuk mund të transferohen tek asnjë Person tjetër pa aprovimin paraprak me shkrim të ERE-s. Përgjatë nga detyrimi për marrjen e miratimit të ERE për transferimin e aseteve, bëjnë rastet e parashikuara në “Rregulloren për transferimin e aseteve” Kur aprovon një transferim, ERE mund ta ndryshojë kohëzgjatjen e Liçencës ose Kushtet e tjera të saj.

1.4 ERE ka të drejtën ekskluzive për të ndryshuar këtë liçensë, në rast se kushtet dhe rrethanat kanë ndryshuar si dhe për të përmbushur dispozitat e Rregullave të Tregut, Kodit të Rrjetit, Kodit të Shpërndarje, Kodit të Matjes apo akteve të tjera nënligjore të miratuara nga ERE sipas Legjislacionit në fuqi.

1.5 Fjalet dhe frazat e mëposhtme të përdorura në Liçencë, Kushtet e Liçencës dhe Anekset, kur përdoren, do të kenë kuptimet e mëposhtme:

“Enti Rregullator i Energjisë” ose “ERE” është institucioni rregullator i sektorit të energjisë elektrike dhe gazit natyror, i cili funksionon në përputhje me Ligjin 43/2015 “Për sektorin e energjisë elektrike” dhe 102/2015” Për sektorin e gazit natyror”.

“Operimi i tregut” është veprimtaria që kryen operatori i tregut lidhur me menaxhimin e tregut të energjisë elektrike dhe përgatitjen e raporteve financiare për pjesëmarrësit e tregut, pa përfshirë blerjen apo shitjen e energjisë elektrike, në përputhje me parashikimet e rregullave të tregut.

“Operatori i tregut” është struktura përgjegjëse e licencuar për operimin, organizimin dhe menaxhimin e tregut të energjisë elektrike.

“Aktivitete të energjisë elektrike” janë aktivitete ekonomike që lidhen me prodhimin, transmetimin, shpërndarjen dhe furnizimin e energjisë elektrike, si dhe funksionimin e tregut të energjisë elektrike.

“Bordi” është organi vendimmarrës i ERE-s, i emëruar sipas ligjit 43/2015 “Për sektorin e energjisë elektrike”

“Dispeçerimi” është veprimtaria e kryer nga Operatori i Sistemit të Transmetimit, që konsiston në menaxhimin në kohë reale të flukseve të energjisë elektrike dhe zbatimin e masave të nevojshme për operimin e bashkërenduar të komponentëve të sistemit elektroenergjetik, përfshirë centralet prodhuese, rrjetin e transmetimit dhe shërbimet ndihmëse të nevojshme për operimin e sistemit.

“Licencë” është një e drejtë që i jepet një personi për ushtrimin e një veprimtarie në sektorin e energjisë elektrike, në përputhje me dispozitat e ligjit 43/2015 “Për sektorin e energjisë elektrike

“Modeli i tregut të energjisë elektrike” është një dokument i përgatitur dhe i miratuar në përputhje me dispozitat e ligjit 43/2015 “Për sektorin e energjisë elektrike”, i cili përcakton marrëdhëniet ndërmjet pjesëmarrësve të ndryshëm të tregut të energjisë elektrike.

“Rregullat e tregut” janë rregulla të hollësishme, të cilat përcaktojnë mënyrën e operimit dhe menaxhimit të tregut, regjistrimin e pjesëmarrësve, përgjegjësinë e balancimit prej pjesëmarrësve të tregut të energjisë elektrike, rregullat për balancimin e sistemit të energjisë elektrike, rregullat për llogaritjen e disbalancës për palët përgjegjëse të balancimit, rregullat për përgjegjësitë financiare të palëve përgjegjëse të balancimit në rast të disbalancimit, si dhe çështje të tjera lidhur me funksionimin e tregut.

“Eksport i deklaruar” është dispeçerimi i energjisë elektrike që i korrespondon sasisë së energjisë elektrike që livrohet njëkohësisht në një vend tjetër si import i deklaruar mbi bazën e një marrëdhënie kontraktuale.

“ENTSO-e (European Network of Transmission System Operators for Electricity)” është Rrjeti European i Operatorëve të Sistemit të Transmetimit të Energjisë Elektrike.

“Furnizim” është shitja, përfshirë rishitjen e energjisë elektrike te klientët.

“Furnizues i mundësisë së fundit” është një furnizues i caktuar në përputhje me dispozitat e ligjit nr.43/2015, , i cili ofron për një periudhë të kufizuar kohe shërbimin e furnizimit në kushte të rregulluara ndaj klientëve, të cilët nuk kanë mundur të kontraktojnë vetë një furnizues ose kanë humbur furnizuesin e tyre.

“Shërbim publik” është shërbimi që sigurohet nga një i licencuar që operon në sektorin e energjisë elektrike, që lidhet me sigurinë dhe cilësinë e furnizimit, çmimet e rregulluara në sektorin e energjisë elektrike, efikasitetin e energjisë elektrike, energjinë nga burimet e rinovueshme, mbrojtjen e mjedisit, përmbushja e të cilit nuk cenon konkurrencën, përveç kur është e domosdoshme për të siguruar shërbimin publik në fjalë.

“Shërbim universal i furnizimit” është një shërbim publik për furnizimin e klientëve fundorë, i cili siguron të drejtën e tyre për t’u furnizuar me energji elektrike të një cilësie të caktuar, brenda gjithë territorit të Republikës së Shqipërisë, me çmime të rregulluara, lehtësisht dhe qartësisht të krahasueshme, transparente dhe jodiskriminuese.

“I licencuar” është një person i pajisur me licencë për aktivitete të energjisë elektrike, në përputhje me dispozitat e ligjit 43/2015 “Për sektorin e energjisë elektrike

“Operatori Sistemit të Shpërndarjes” ose “OSSH” është një person juridik, përgjegjës për operimin e sigurt, të besueshëm dhe të efektshëm të rrjetit të shpërndarjes, duke siguruar mirëmbajtjen dhe zhvillimin e sistemit të shpërndarjes, të shtrirë në një zonë të caktuar dhe, kur është e aplikueshme, lidhjet e tij me sisteme të tjera për të siguruar aftësi afatgjatë të sistemit për të përmbushur kërkesat e arsyeshme për shpërndarjen e energjisë, në harmoni me mjedisin dhe efikasitetin e energjisë.

“Operator i Sistemit të Transmetimit” ose “OST” është personi juridik, përgjegjës për operimin, mirëmbajtjen dhe zhvillimin e sistemit të transmetimit, duke përfshirë interkoneksionet me sistemet e tjera ndërkufitare, për të siguruar aftësinë afatgjatë të sistemit për plotësimin e kërkesave të arsyeshme për transmetimin e energjisë elektrike.

“Operator i Rrjetit” është operatori i sistemit të transmetimit dhe/ose operatori i sistemit të shpërndarjes së energjisë elektrike.

“Pala përgjegjëse për balancimin” është një pjesëmarrës i tregut të energjisë elektrike ose përfaqësuesi i zgjedhur prej tij, përgjegjës përballë Operatorit të Sistemit të Transmetimit për disbalancat e krijuara gjatë operimit të tij.

“Palët e Komunitetit të Energjisë” janë palët kontraktuese të Traktatit të Komunitetit të Energjisë, Bashkimi Europian dhe shtetet anëtare të tij.

“Person” është një person juridik.

“Përdoruesit e sistemit” janë personat fizikë ose juridikë, të cilët i furnizon ose furnizohen me energji elektrike nëpërmjet sistemit të transmetimit ose të shpërndarjes.

“Përgjegjësia e balancimit” është një detyrim i pjesëmarrësve të tregut për balancimin e prodhimit, konsumit, proceseve të shitblerjes të energjisë elektrike, në përputhje me programin e pranuar, duke qenë përgjegjës financiarisht kundrejt Operatorit të Sistemit të Transmetimit për sistemimin e disbalancave të krijuara.

“Ofruer i shërbimit të balancimit” është një pjesëmarrës i tregut të energjisë elektrike, që siguron shërbimet e balancimit për Operatorin e Sistemit të Transmetimit, në bazë të një kontrate për pjesëmarrje në tregun e balancimit, në përputhje me rregullat e balancimit të sistemit elektrik.

“Pjesëmarrës i tregut të energjisë elektrike” është një person juridik, i regjistruar si pjesëtar i tregut të energjisë elektrike, që përfshin prodhuesit, tregtarët, furnizuesit, klientët, Operatori i Sistemit të Transmetimit, Operatori i Sistemit të Shpërndarjes, sistemet e mbyllura të shpërndarjes dhe operatori i tregut. Operatori i Sistemit të Transmetimit dhe Operatori i Sistemit të Shpërndarjes janë pjesëmarrës të tregut të energjisë elektrike vetëm për qëllim të sigurimit të energjisë elektrike të nevojshme për mbulimin e humbjeve në rrjet, balancimin dhe shërbimet ndihmëse.

“Kodet e Rrjetit” janë Kodi i Transmetimit dhe Kodi i Shpërndarjes. “Kodi i Shpërndarjes” është tërësia e rregullave teknike, të cilat rregullojnë funksionimin e rrjetit të shpërndarjes, si dhe vendosin kushtet e shërbimit që ofrohen nga operatorët e sistemit të shpërndarjes për përdoruesit e sistemit të shpërndarjes.

“Kodi i Transmetimit” është tërësia e rregullave teknike, të cilat rregullojnë operimin e sistemit të transmetimit, si dhe përcaktojnë kushtet e shërbimit që ofrohen nga Operatori i Sistemit të Transmetimit ndaj përdoruesve të sistemit të transmetimit, në përputhje me rregullat e ENTSO-e.

“Kodi i Matjes” është tërësia e normave minimale të detyrueshme për matjen dhe regjistrimin e energjisë elektrike.

“Siguruesi i shërbimeve të balancimit” është një pjesëmarrës i tregut të energjisë elektrike, i cili siguron shërbimet e balancimit për Operatorin e Sistemit të Transmetimit, bazuar në kontratën për pjesëmarrjen në tregun e balancimit, sipas rregullave përkatëse të sigurimit të balancimit të sistemit të energjisë elektrike.

“Sistemi i energjisë elektrike” është një sistem i ndërlidhur, i përbërë nga centralet elektrike, linjat elektrike, nënstationet dhe pajisjet e transmetimit e shpërndarjes, me qëllim transmetimin apo shpërndarjen e energjisë elektrike te klientët.

“Sistemi i shpërndarjes” është sistemi i linjave, strukturave mbështetëse, pajisjeve transformuese dhe kyçëse/shkyçëse, të përdorura për shpërndarjen e energjisë elektrike dhe lëvrimin e saj te klientët, pa përfshirë furnizimin.

“Sistemi i transmetimit” është sistemi i përdorur për transmetimin e energjisë elektrike në tension të lartë dhe shumë të lartë, i lidhur në paralel me sistemet e vendeve të tjera, që përfshin midis të tjerave linjat, strukturat mbështetëse, pajisjet transformuese dhe kyçëse/shkyçësepër lëvrimin e energjisë elektrike te klientët ose në rrjetin e shpërndarjes, pa përfshirë furnizimin.

“Shërbimi i balancimit” është sigurimi i kapacitetit rezervë i kontraktuar dhe/ose energjia elektrike balancuese, e përdorur nga Operatori i Sistemit të Transmetimit për të kryer balancimin.

“Shërbime ndihmëse” janë shërbimet e nevojshme për operimin e qëndrueshëm të sistemit të transmetimit ose shpërndarjes.

“Shoqëri elektroenergjetike” është një person juridik që kryen të paktën një nga veprimtaritë: prodhim, transmetim, shpërndarje, furnizim ose blerje të energjisë elektrike, i cili është përgjegjës për detyrimet tregtare, teknike ose të mirëmbajtjes, lidhur me këto veprimtari, pa përfshirë klientët fundorë.

“Shpërndarje” është transporti i energjisë elektrike në sistemin e shpërndarjes me tension të lartë, të mesëm dhe të ulët, me qëllim lëvrimin e saj te klientët, pa përfshirë furnizimin.

“Import i deklaruar” është energjia elektrike që lëvrohet në një vend, e cila, në të njëjtën kohë, dispeçerohet si eksport i deklaruar nga një vend tjetër.

“Interkonektor” është një linjë transmetimi e ndërtuar nga Operatori i Sistemit të Transmetimit ose një palë e tretë, e cila kalon nëpërmjet kufirit shtetëror të Republikës së Shqipërisë dhe të një vendi tjetër dhe lidh sistemet kombëtare të transmetimit të të dyja vendeve.

“Interkonektor i ri” është një interkonektor i papërfunduar dhe/ose i përfunduar por i pakomisionuar, deri në datën e hyrjes në fuqi të ligjit 43/2015 “Për sektorin e energjisë elektrike

“Tranzit i deklaruar” është sasia e energjisë elektrike që vjen nga një vend tjetër, e cila nuk konsumohet në vend, por kalon në një vend të tretë.

“Tregu i balancimit” është menaxhimi, i bazuar në treg, i funksioneve të balancimit të sistemit të energjisë elektrike, i operuar nga Operatori i Sistemit të Transmetimit.

“Tregu i organizuar i energjisë elektrike” është platforma e organizuar për shitjen dhe blerjen e energjisë elektrike në bazë të ditës në avancë dhe/ose brenda së njëjtës ditë.

“Tregu i energjisë elektrike” është një sistem ku kryhen shitje dhe blerje efektive, përfshirë edhe derivativët e energjisë elektrike, nëpërmjet kërkesave dhe ofertave, të paraqitura në periudha afatgjata dhe afatshkurtra.

“Tregtar” është çdo person juridik, i cili kryen veprimtarinë e tregtimit të energjisë elektrike.

“Tregtimi i energjisë elektrike” është procesi që kryhet nga një person juridik që blen energji elektrike, me qëllim rishitjen e saj brenda ose jashtë sistemit të vendit ku kryen veprimtarinë.

“Forcë madhore” është një akt ose ngjarje natyrore apo shoqërore, si tërmetet, rrufetë, ciklonet, përmbytjet, shpërthimet vullkanike, zjarret ose luftërat, konfliktet e armatosura, kryengritjet, veprime terroriste ose ushtarake, të cilat pengojnë të licencuarin të përmbushë detyrimet e tij sipas licencës, si dhe akte apo ngjarje të tjera që janë përtej kontrollit të arsyeshëm dhe që nuk kanë ardhur për faj të të licencuarit dhe i licencuari nuk ka pasur mundësi të shmangë një akt ose ngjarje të tillë nëpërmjet ushtrimit të vullnetit, përpjekjeve, aftësive dhe kujdesit të tij të arsyeshëm.

“Biznesi Shoqërues” Çdo biznes qe direkt ose indirekt, teresisht ose pjeserisht:

- a) është prone e të Liçensuarit; ose
- b) ka të Liçensuarin në pronesi; ose
- c) është në pronesi të Personit, i cili është prone e të Liçensuarit.

“Ndër-subvencionimet” Transferim fondesh ose ndarje kostosh brenda llogarive të të Liçensuarit ose mes Bizneseve Shoqëruese për mbeshtetje financiare të nje aktiviteti ose biznesi me koston e nje tjetri.

2. Kryerja e Aktivitetit të Liçensuar

2.1 I Liçensuari autorizohet nga kjo Liçence për të zhvilluar Aktivitetin Furnizuesit të Energjisë Elektrike sipas Legjislacionit në fuqi në Republikën e Shqipërisë

2.2 I Liçensuari nuk do të vendose pagesa të ndryshme nga ato të aprovuara nga ERE sipas Legjislacionit në fuqi.

2.3 I Liçensuari nuk do të pengojë, parandalojë ose të tentojë të parandalojë të liçensuarit e tjerë ose pjesëmarrësit potenciale ose konkurrentet që të angazhohen ose të hyjnë në biznesin e furnizimit apo në aktiviteteve të tjera në sektorin e energjisë elektrike në Republikën e Shqipërisë;

2.4 I Liçensuari nuk do të përfshihet në Nder-Subvencionime. Nëse i Liçensuari është një kompani vertikalisht e integruar elektroenergjitike, do t'i ndajë llogaritë e tij financiare sipas aktiviteteve të gjenerimit, transmetimit dhe shpërndarjes brenda afatit të kërkuar nga Legjislacioni në fuqi për të mundësuar që ERE të konkludojë se nuk ka ndër-subvencionime, aktivitete anti-konkurrencë ose diskriminim.

2.5 I Liçensuari nuk do të përfshihet në asnjë formë aktiviteti monopol ose anti-konkurrence të ndaluar nga Legjislacioni në fuqi ose Rregulloret dhe Rregullat e miratuara nga ERE.

2.6 Brenda datës 31 janar të çdo viti, i Liçensuari do t'i dërgojë ERE-s një informacion dhe deklaratë me shkrim në formën e specifikuar nga ERE për kryerjen e aktivitetit gjatë vitit paraardhës dhe përmbushjes së kuadrit ligjor në sektorin e energjisë elektrike,

2.7 I Liçensuari nuk do të bashkepusojë me persona të tjerë për të demtuar të liçensuarit ose klientët e energjisë elektrike

2.8 I Liçensuari do ta kryejë Aktivitetin e Liçensuar në përputhje me parimet e transparencës.

2.9 I Liçensuari nuk do të angazhohet në aktivitete të tjera që pengojnë ose mund të pengojnë kryerjen e Aktivitetit të Liçensuar. I Liçensuari duhet të informojë ERE-n në rastet kur synon të:

- a) angazhohet në aktivitet tjetër përveç aktivitetit të liçensuar; ose
- b) të ngrëjë një Biznes Shoqerues.

2.8 I Liçensuari do të informojë ERE-n për ngritjen e çdo Biznesi Shoqerues. ERE mund ta ndalojë ose të vendosë kushte të veçanta për ngritjen e Bizneseve Shoqeruese të nevojshëm për të mbrojtur interesat e konsumatorëve.

2.9 I Liçensuari është i autorizuar të vendose pagesa te aprovuara nga ERE.

2.10 I Liçensuari nuk është përgjegjës për mos-permbushjen e Kushteve të Licences në rast të nje Force Madhore deri në ate shkalle sa Forca Madhore është shkaku për kete mos-permbushje të Kushteve të Liçences. Në kete rast, i Liçensuari duhet të njoftoje menjehere ERE-n dhe të licensuarit e tjere ose konsumatorët me të cilët i Licensuari ka lidhur marreveshje.

3. Detyrimet e të Liçensuarit

3.1. I Liçensuari është i detyruar të zbatoje Legjislacionin në fuqi dhe gjithë Vendimet e Qeverise dhe Rregulloret e Rregullat e miratuara nga ERE.

Furnizuesi, në zbatim të këtij ligji, ka detyrimin të furnizojë klientët me energji elektrike, në përputhje me kontratën e nënshkruar, në mënyrë të sigurt, të besueshme dhe efikase.

3.2. Furnizuesi është përgjegjës përballë Operatorit të Sistemit të Transmetimit për çdo disbalancë të shkaktuar. Klientët fundorë janë përgjegjës përballë furnizuesit për disbalancat e shkaktuara. ERE vendos përjashtimin nga përgjegjësia për disbalancat, për kategori të caktuara të klientëve fundorë, të cilët furnizohen mbi bazën e shërbimit universal të furnizimit, si detyrim i shërbimit publik.

3.3 Furnizuesi, përveç detyrimeve të përgjithshme, të përcaktuara në kontratë, informon klientët e tij për:

a) të drejtën e tyre për të zgjedhur dhe për të ndryshuar pa pagesë furnizuesin, pasi kanë ekzekutuar të gjitha detyrimet e mëparshme të energjisë elektrike;

b) konsumin dhe kostot aktuale të energjisë elektrike, me qëllim mundësimin e menaxhimit të konsumit të energjisë nga ana e klientëve;

c) mënyrat e ndryshme të pagesës, të cilat nuk duhet të jenë diskriminuese midis klientëve. Sistemet e parapagimit, nëse do të aplikohen, duhet të jenë të drejta dhe të reflektojnë konsumin e pritshëm;

ç) mundësinë e përdorimit të procedurave të thjeshta për ndjekjen e ankesave të tyre;

d) ndryshimin e kushteve të kontratës të paktën 15 ditë përpara zbatimit të tyre, duke përfshirë informacionin në lidhje me të drejtën e klientëve për të zgjidhur në mënyrë të njëanshme kontratën e furnizimit, me dhënien e njoftimit;

dh) të dhënat e konsumit të tij, duke i mundësuar çdo klienti akses ne leximin e aparatit te matjes dhe ndaj të dhënave të matjes, në bazë të një marrëveshjeje të qartë dhe pa pagesë;

e) të drejtat e tyre, në përputhje me udhëzuesin e miratuar nga Komuniteti i Energjisë.

4. Furnizuesit nëpërmjet faturës së konsumit të energjisë elektrike dhe/apo materialeve promovuese, informon në mënyrë të qartë klientët për:

a) të dhëna për çdo burim energjie të siguruar nga furnizuesi gjatë vitit të mëparshëm;

b) elementet përbërëse të çmimit dhe kostot përkatëse;

c) të dhënat për ndikimin në mjedis të gazit karbonik dhe mbeturinave radioaktive të emetuara gjatë prodhimit të energjisë elektrike, të siguruar nga furnizuesi në vitin e mëparshëm.

5. I licensuari i caktuar sipas ligjit me shërbimin universal do të sigurojë furnizimin me energji elektrike me çmime të rregulluara nga ERE vetëm për klientët fundorë që furnizohen sipas shërbimit universal të furnizimit, sipas parashikimit të nenit 83, pika 1 të ligjit.

6. I licensuari i caktuar sipas ligjit si Furnizuesi i mundësisë së fundit është i detyruar të furnizojë klientët, të cilët mbeten pa furnizues, pas paraqitjes së kërkesës me shkrim kur:

a) furnizuesi i mëparshëm është në kushtet e paaftësisë paguese ose është në proces falimentimi;

b) furnizuesit të mëparshëm i është hequr ose i është pezulluar përkohësisht licenca;

c) klienti nuk ka arritur të gjejë një furnizues në treg.

Çmimi, me të cilin furnizuesi i mundësisë së fundit furnizon me energji elektrike, përcaktohet nga ERE sipas metodologjisë së miratuar prej saj, në përputhje me përcaktimet e nenit 21 të ligjit.

I kicensuari do të zbatojë rregullat e miratuara nga ERE për Ndryshimin e furnizuesit me kërkesë të klientit fundor dhe pa kosto shtesë për të. Furnizuesi aktual është i detyruar të furnizojë klientin fundor.

3.2. Llogaritë dhe Raportimi

3.2.1. I Liçensuari do të mbaje regjistra llogarie dhe do të përgatise bilance financiare, të cilat do të mbahen të ndara për Aktivitetin e Liçensuar dhe çdo aktivitet tjetër (përfshirë aktivitete të tjera të licensuara) ku është angazhuar i Licensuari, në përputhje me rregullat e kontabilitetit dhe procedurat e miratuara nga ERE dhe në përputhje me Ligjin 43/2015 “Për Sektorin e energjise elektrike”. I Liçensuari do t’i dorëzojë ERE-s bilance financiare vjetore deri në datën 31 Mars të çdo viti.

3.2.2. Nëse i Liçensuari parashikon një situatë emergjente siç përcaktohet nga Legjislacioni në fuqi, i Liçensuari do të njoftojë pa vonesë ERE-n dhe ky njoftim do të përshkruajë çfarë masash do të marrë i Licensuari për të parandaluar ose përmirësuar ndikimet e situatës emergjente të parashikuar.

3.2.3. I Liçensuari do të ndajë shpenzimet e përbashkëta mes Aktivitetit të tij të Liçensuar dhe tipeve të tjera të aktiviteteve në përputhje me Rregulloret dhe Rregullat e ERE-s dhe praktikën e biznesit përgjithësisht të pranuar. I Liçensuari do t’i paraqesë ERE-s, me kërkesën e tij, në formën dhe në afatin e vendosur nga ERE, dokumentacionin që vendos bazat për ndarjen e shpenzimeve të përbashkëta mes aktiviteteve që do të ushtrohen, si dhe rezultatet e arritura pas kesaj ndarje.

3.2.4. I Licensuari do të njoftojë ERE-n brenda 10 ditëve për çdo ndryshim të:

- a) adresës;
- b) statutit të të Liçensuarit;
- c) çertifikatës së regjistrimit;
- d) kodit fiskal;
- e) organet kryesore drejtuese; ose
- f) strukturës së biznesit të licensuar me mbi 10%.

Nëse i Liçensuari nuk e bën këtë njoftim, ERE mund të vendosë gjëra në përputhje me ligjin 43/2015 “Për Sektorin e Energjise Elektrike” si dhe Rregulloren për vendosjen e gjobave dhe kushtet e lehtësimit prej tyre@

3.2.5. Gjithë njoftimet zyrtare, aplikimet, peticionet, pretendimet ose korrespondenca tjetër me ERE-n lidhur me Liçencën duhet të jetë me shkrim dhe të nënshkruara respektivisht nga një zyrtar i autorizuar ose përfaqësues ligjor i caktuar i të Licensuarit ose ERE-s, dhe të dërgohet me korrier ose postë të

regjistruar, duke kerkuar nje verifikim të fletes se marrjes. Adresat e Paleve duhet të vendosen mbi zarf. Gjithe njoftimet ose korrespondenca tjeter do të konsiderohen se hyjne në fuqi nga momenti i dorezimit, ose nese nuk janë dorezuar për shkak të gabimit të derguesit, nga momenti i prezantimit.

3.2. 6 I licensuari do të dergoje ne ERE informacion Periodik

lidhur me:

- i. Shpenzimet dhe te ardhurat operative (mujore, dhe ne progresion 3-mujor);
- ii. Pasqyra Cash-Flow (mujore dhe progresive);
- iii. Tabela e energjise elektrike te furnizuar (mujore dhe progresive);
- iv. Cdo informacion te kerkuar rast pas rasti nga ERE
- v. Numrin e Klienteve te furnizuar (mujore dhe progresive)
- vi. Grafiket e ngrakeses
- vii. Sistemet e matjes
- viii. Te dhena mbi ankesat e rregjistrua, trajtiit dhe korrektimeve ne faturiemt perkatese objekt ankimi (mujore dhe progresive)
- ix.

5. Përdorimi i Informacionit

5.1 Liçensuari do të siguroje qe çdo informacion i marre si rezultat i Aktivitetit të tij të Liçensuar nuk do ti jepet askujt, me perjashtim të rasteve kur:

- a) jepet pelqim paraprak me shkrim i Personit me të cilin lidhet informacioni;
- b) informacioni është bere publik;
- c) kur të Licensuarit i kerkohet ose lejohet të perhape informacionin për të permbushur Kushtet e kesaj Liçence sipas nje urdheri të ERE-s, ose çdo dispozite ligjore të aplikueshme; ose
- d) informacioni duhet perhapur në rrjedhen normale të kryerjes se aktivitetit të Liçensuar.

3.1.2 I Liçensuari do të siguroje qe çdo Biznes Shoqerues nuk do të perdore asnje informacion të të Liçensuarit për te fituar nje avantazh konkurrues të pajustificuar

dhe do të siguroje që nuk do të perhape asnjë informacion tek ndonjë Person tjetër (përfshirë Biznese të tjera Shoqëruar) që mund ta mundesojnë këto Person të fitojë çdo lloj përfitimi komercial të pajustificuar.

5.2 I Liçensuari do të ndermarre çdo hap të nevojshëm për ta ruajtur informacionin konfidencial në posedim të të Licensuarit dhe për t'i raportuar ERE-s në përputhje me obligimet Ligjore.

5.2.1 Informacioni i dërguar ERE-s nga i Liçensuari do të konsiderohet publik me përjashtim të rasteve kur me kërkesë specifike të të Liçensuarit, ERE me vendim përcakton që ky informacion është i natyrës pronësore dhe përhapja e tij nuk i shërben interesit publik.

5.2.2 I Liçensuari nuk do të hyjë në marrëveshje të cilat i Liçensuari e di ose duhet ta dijë që çojnë në shkelje të Kushteve të Liçencës.

5.2.3 I Liçensuari do të respektojë Ligjet dhe Vendimet e Qeverisë së Republikës së Shqipërisë dhe Rregulloret e Rregullat e ERE-s.

6. Pagesat e Rregullimit

6.1 I Liçensuari do t'i paguajë ERE-s pagesa rregullimi në mënyrë të rregullt dhe të vazhdueshme gjatë afatit të kësaj Liçence siç përcaktohet nga ERE.

6.2 Nëse i Liçensuari nuk i paguan ERE-s pagesat e rregullimit brenda afatit të përcaktuar nga ERE, i Licensuari do të penalizohet në përputhje me Ligjin Nr.43/2015 "Për Sektorin e Energjisë Elektrike".

7. Kontrolli mbi Kryerjen e Aktivitetit të Liçensuar

7.1. ERE do monitorojë zbatimin nga i Liçensuari të Kushteve të Licensimit, do të shqyrtojë raportet e marra nga i Licensuari dhe në çdo kohë pas njoftimit, është i autorizuar të inspektojë asetet ose regjistrimet e llogarive dhe mund të kërkojë një auditim teknik dhe/ose kontabel të aktivitetëve të të Licensuarit.

7.2. Përfaqësuesit e autorizuar të ERE-s kanë të drejtë të hyjnë në ndertesat e të Licensuarit, pajisjet dhe dokumentat për të monitoruar Aktivitetin e Liçensuar në përputhje me Rregulloret dhe Rregullat e ERE-s. I Liçensuari do të sigurojë çdo informacion ose dokument të kërkuar, të nevojshme për ERE-n gjatë këtij monitorimi.

7.3. Në baze të ankeses së vertetuar të çdo Personi të trete ose në baze të vete propozimit të tij, ERE mund të nisë një hetim për zbatimin e Kushteve të Liçences ose Rregulloreve dhe Rregullave të ERE-s, përfshirë shqyrtimin e praktikave të biznesit nga të Licensuarit lidhur me Aktivitetin e Liçensuar.

7.4. Nëse pas hetimit, ERE konkludon se i Liçensuari nuk ka zbatuar Kushtet e Liçences dhe legjislacionin në fuqi, ERE mund të korrigjojë tarifën e të Licensuarit të ngarkuar me përgjegjësinë e Furnizuesit Universal dhe/ose të ndërmarrë masa të tjera ndaj të licensuarit sipas kësaj license me qëllim që të mbrojë interesat e konsumatorëve të energjisë elektrike, duke nderskuar ato me gjore të deri në heqjen e kësaj Liçence.

7.5. I Liçensuari do të informojë ERE-n për çdo shkelje të këtyre Kushteve të Liçencës dhe legjislacionit në fuqi brenda një jave që kjo shkelje i bëhet e njohur të Liçensuarit.

7.6. I Liçensuari do të zbatojë të gjitha urdherimet apo vendimet e nxjerra nga ERE, përfshirë pagesën e plotë të gjobave të vendosura nga ERE..

8. Amendamenti i Liçences

8.1. ERE mund të amendojë Kushtet e Liçences në rast se ato nuk përputhen me:

- a) Legjislacionin në fuqi dhe Vendimet e Qeverisë së Republikës së Shqipërisë që janë në përputhje me Legjislacionin në fuqi;
- b) Vendimet e nxjerra nga Gjykata e Shkalles së Parë Tirane ose një Gjykatë tjetër Shqiptare me kompetencë juridiksionale.

8.2. Në çdo kohë i Liçensuari ose ERE mund të propozojnë amendamente të tjera për keto Kushte Liçence, duke i transmetuar palës tjetër një propozim me shkrim, së bashku me dokumentet mbështetëse.

8.3. ERE do të marrë vendimin përfundimtar vetëm pasi të marrë në konsideratë interesat e konsumatorëve dhe të liçensuarve të tjera. Palët e interesuara do të informohen me shkrim për çdo amendament të propozuar. Nëse ERE dhe i Liçensuari arrijnë një marrëveshje për keto amendamente, Kushtet e Liçences do të amendohen. Nëse marrëveshja nuk arrihet, i Liçensuari mund të apelojë në Gjykatën e Shkalles së Parë Tirane.

8.4 Amendamentet e bera në Kushtet e Liçences do të publikohen në Fletoren Zyrtare të Republikës së Shqipërisë tridhjetë (30) dite para se të hyjnë në fuqi.

9. Përfundimi i Liçencës

9.1. ERE mund ta përfundojë Liçencën në përputhje me Ligjin 43/2015” Për Sektorin e Energjisë Elektrike” dhe Rregulloret dhe Rregullat e ERE-s kur:

- a) i Liçensuari kërkon revokimin e liçences;
- b) i Liçensuari shkel Kushtet e Liçences;
- c) i Liçensuari shkel Legjislacionin në fuqi;
- d) i Liçensuari deklarohet i falimentuar dhe është i paafte të përmbushë detyrimet e Kushteve të Liçences;
- e) i Liçensuari ka marre liçence duke mashtruar.

f) kur kontraktin me të treta për dhenien e shërbimit sipas aktivitetit të licensuar ,

9.2. Nëse i Liçensuari ndryshon statusin e tij ligjor ose aksioneri/ortaku që kontrollon interesin ndryshohet pa autorizimin e ERE-s, Liçenca bëhet nul (e pavlefshme) ose anulohet dhe pasuesi i të Licensuarit do të aplikojë për një liçencë të re në përputhje me procedurat e ERE-s për dhenie liçence.

10. Zgjidhja e Mosmarrëveshjeve dhe e Drejta për Apelim

10.1. Çdo çështje e diskutueshme ose kërkesë mes të Liçensuarit dhe çdo Pjesëmarrësi Tregu do të zgjidhet sa më shumë që të jetë e mundur me mirekuptim, në përputhje me Legjislacionin në fuqi dhe Rregulloret dhe Rregullat e ERE-s.

10.2. Nëse zgjidhja nuk arrihet me mirekuptim, atëherë ERE në bazë të kërkesës të çdo Personi që është palë në këtë mosmarrëveshje do ta zgjidhë mosmarrëveshjen dhe do të nxjerrë vendimin e tij në përputhje me Legjislacionin në fuqi dhe Rregulloret dhe Rregullat e saj.

10.3. I Liçensuari mund të apelojë kundër vendimeve të ERE-s në Gjykatën Administrative Tiranë.